



Broj: 16-12-16-1149-1/2/23
I. Sarajevo, 23.03.2023. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 69. stav (2) tač. a) i e), i člana 70. st. (1), (2), (4) i (6) Zakona o javnim nabavkama ("Službeni glasnik BiH", br. 39/14 i 59/22), na preporuku Komisije za nabavke za potrebe Državne agencije za istrage i zaštitu u 2023. godini broj 16-12-16-1149/23 od 23.03.2023. godine, u postupku javne nabavke usluga produženja licenci za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o poništenju postupka javne nabavke za LOT 1 i LOT 2

Član 1.

U postupku javne nabavke usluga produženja licenci za potrebe Državne agencije za istrage i zaštitu (daljem tekstu: Agencija), putem otvorenog postupka za dostavljanje ponuda, na preporuku Komisije za nabavke za potrebe Agencije u 2023. godini broj 16-12-16-1149/23 od 23.03.2023. godine, poništava se postupak javne nabavke za;

- LOT 1 - Nabavka usluge produženja važenja jedne licence za forenzički softver za analizu mobilnih telefona Microsystemation, XRY/XACT sistem bundle, na period od jedne godine, iz razloga što za LOT 1 nije dostavljena nijedna ponuda u određenom krajnjem roku i
- LOT 2 - Nabavka usluge produženja važenje jedne licence za forenzički softver za vještačenje mobilnih telefona Cellebrite UFED 4PC Ultimate, na period od jedne godine, iz razloga što primljena ponuda ponuđača „MRG EXPORT-IMPORT d.o.o. Banja Luka“ za LOT 2 prelazi planirana sredstva Agencije.

Član 2.

Ova odluka objavit će se na web stranici Agencije, s istovremeno s upućivanjem ponuđačima koji su učestvovali u postupku javne nabavke.

Član 3.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-1149-1/23 od 07.02.2023. godine pokrenut je postupak javne nabavke usluga produženja licenci za potrebe Agencije, procijenjene vrijednosti 131.624,48 KM bez uračunatog PDV-a, za koji je obavještenje o javnoj nabavci broj 1161-1-2-24-3-15/23 od 13.02.2023. godine objavljeno na Portalu javnih nabavki i u „Službenom glasniku BiH“, broj 13/22 od 17.02.2023. godine. Novčana sredstva za realizaciju navedene nabavke obezbijedena su u okviru budžetskih sredstava za 2023. godinu, a na osnovu Instrukcije o privremenom finansiranju institucijama Bosne i Hercegovine za period januar-mart 2023. godine broj 05-16-2-8338-1/22, koju je donio ministar finansija i trezora Bosne i

Hercegovine, dana 28.12.2022. godine i Dokumenta okvirnog budžeta 2023. - 2025. godine. Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16). Predmet javne nabavke podjeljen je na osam lotova:

- LOT 1 - Nabavka usluge produženja važenja jedne licence za forenzički softver za analizu mobilnih telefona Microsystemation, XRY/XACT sistem bundle, na period od jedne godine, procijenjene vrijednosti 8,547,10 KM bez uračunatog PDV-a;

- LOT 2 - Nabavka usluge produženja važenje jedne licence za forenzički softver za vještačenje mobilnih telefona. Cellebrite UFED 4PC Ultimate, na period od jedne godine, procijenjene vrijednosti 8.547,10 KM bez uračunatog PDV-a;

- LOT 3 - Nabavka usluge produženja važenja jedne licence AceLab PC 3000 i jedne Rusolt licence, na period od jedne godine, procijenjene vrijednosti 7.692,60 KM bez uračunatog PDV-a;

- LOT 4 - Nabavka usluge produženja važenja 60 licenci GPS GATE i dvije FlexySpy Extreme licence, na period od jedne godine, procijenjene vrijednosti 8.547,10 KM bez uračunatog PDV-a;

- LOT 5- Nabavka usluge produženja važenja dvije licence za Mail security, jedna AMP licence i jednog Sigurnosnog Certifikata, na period od jedne godine, procijenjene vrijednosti 34.188,03 KM bez uračunatog PDV-a;

- LOT 6- Nabavka usluge produženja važenja jedne licence Firewall FortiGate-201E na period od tri godine i dvije licence i Firewall FortiGate-60 E, na period od jedne godine, procijenjene vrijednosti 25.641,02 KM bez uračunatog PDV-a;

- LOT 7- Nabavka usluge produženja važenja dvije licence Firewall Cisco ASA 5508, na period od tri godine, procijenjene vrijednosti 4.273,50 KM bez uračunatog PDV-a;

- LOT 8- Nabavka usluge produženja važenja jedne IBM 12 podrške, jedan komplet, na period od jedne godine, procijenjene vrijednosti 34.188,03 KM bez uračunatog PDV-a.

Obzirom da je tačkom 22. Tenderske dokumentacije navedeno da je rok za dostavljanje ponuda 07.03.2023. godine do 12,00 sati, te da se ponude dostavljaju u zatvorenoj koverti, Komisija je dana 07.03.2023. godine u 13,00 sati izvršila javno otvaranje ponuda prema datumu i vremenu prijema, numerišući kovertu.

Blagovremeno je dostavljeno ukupno šest ponuda i to:

R/B	Naziv ponuđača	LOT	Ponudena cijena bez uračunatog PDV-a
1.	„NEXIS d.o.o. Sarajevo”	LOT 3	7.692,00 KM
		LOT 4	8.547,00 KM
2.	„MRG EXPORT-IMPORT d.o.o. Banja Luka“	LOT 2	14.989,70 KM
		LOT 3	10.354,97 KM
3.	„NEXIS d.o.o. Sarajevo”	LOT 5	34.188,00 KM
		LOT 7	4.273,00 KM
4.	„KING ICT d.o.o. Sarajevo“	LOT 5	34.187,00 KM
		LOT 6	25.640,00 KM
		LOT 7	4.273,48 KM
5.	„UMA MULLER GROUP d.o.o. Sarajevo“	LOT 6	25.636,00 KM
		LOT 8	34.183,00 KM
6.	„SHOT d.o.o. Zenica“	LOT 3	7.650,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14 i 59/22) (u daljem tekstu: Zakon), sačinila Zapisnik o otvaranju ponuda, koji je dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Uvidom u dostavljene ponude, Komisija je utvrdila da za LOT 1 nije dostavljena nijedna ponuda u određenom krajnjem roku.

Komisija je utvrdila da je ponuda ponuđača „MRG EXPORT-IMPORT d.o.o. Banja Luka“ za LOT 2 i LOT 3 neprihvatljiva, iz razloga što ponuđena cijena ponuda za LOT 2 i LOT 3, prelazi planirana sredstva Agencije. Uvidom u ponudu ponuđača „MRG EXPORT-IMPORT d.o.o. Banja Luka“ za LOT 2, utvrđeno je da ista iznosi 14.989,70 KM bez uračunatog PDV-a (procijenjena vrijednost javne nabavke za LOT 2 iznosi 8.547,10 KM bez uračunatog PDV-a, dok ponuda ponuđača za „MRG EXPORT-IMPORT d.o.o. Banja Luka“ za LOT 3 iznosi 10.354,97 KM bez uračunatog PDV-a (procijenjena vrijednost javne nabavke za LOT 3 iznosi 7.692,60 KM bez uračunatog PDV-a).

Imajući u vidu naprijed navedeno, Komisija ponudu ponuđača „MRG EXPORT-IMPORT d.o.o. Banja Luka“ za LOT 2 i LOT 3, nije uzela u dalje razmatranje.

Cijeneći naprijed navedeno, prihvaćena je preporuka iz Izvještaja o radu Komisije, te odlučeno da se postupak javne nabavke za LOT 1 i LOT 2 poništi u skladu sa odredbom člana 69. stav (2) tač. a) i e) Zakona, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 5x;
- Sektoru za mat.-fin. poslove;
- a/a.

